

四庫全書

集部

欽定四庫全書

石倉歷代詩選卷三百十七

明 曹學佺 編

明詩初集三十七

解 縉

題吳山伍子胥廟

朝驅下越坂夕飯當吳門停車弔古跡靄靄林烟昏青山
海上來勢若游龍奔星臨斗牛域氣與東南吞九折排怒

濤壯哉天地根落日見海色長風捲浮雲山椒戴遺祠興
廢今猶存香殘吊木客樹古哀清猿我來久沈抱重此英
烈魂吁嗟觸鏐鋒置稱國士寃峨峨姑蘇臺荊棘霜露
繁深宮麋鹿遊此事誰能論因之毛髮監落葉何續紛

過曲江張九齡祠

停舟曲江許弔古謁遺祠巖巖始興公遺澤芬在斯堂
傾風雨萃碑斷苔蘚滋芳春奠行旅落日歸文狸唐宮
甘無事衡鑑良能持弼諧展嘉猷讜論非詭隨離離朝

鳴鳳粲粲補袞絲側聞卧病沒九廟烟塵飛漁陽突騎
來動地驚鼓輦壯哉砥柱功用舍同安危昭陵鐵馬空
仙李祚久移惟聞蘭菊存千秋恒若茲我來薦微誠載
拜當前墀願瞻相貌間丰度猶可師武溪何淵淵芙蓉
亦巍巍只今相業隆孰與前修期

謁青陽公祠

維舟大江許西登皖城隅遐思浩無際懷古在踟躕桓
桓青陽公忠節溢寰區堅軍守茲壘七載枕戈戈上書

又不報援絕形勢孤全家俱受死取義捐厥軀時去事
已往令名天地俱我來拜英姿靈爽猶儼如褒封顯幽
憤廟食揚休都起敬仰餘烈臨風發長吁媲美巡與遠
偉哉皆丈夫

南行寄友

結髮事明主摛文翔鳳池載筆侍帷幄衣繡當前墀煌
煌沐恩眷省勒歸門闌十年遭運否河隴孤棲遲東還
未展翮一麾伏南馳時來過鄉郡訪舊同邀嬉留連接

歡宴不忍暫相違
穉子知我去寤寐牽裳衣
小女中夜泣為言歸
何時丈夫四方志
離別何作悲
今逢天子聖
底定如京圻
多才實濟濟
中外羅星碁
治効日熙皞
斯民信無為
自當安蹇拙
守此年命奇
皇恩許謝事
樂矣不復疑
壺觴集羣彦
遲我從南歸

墨菊

春雨茁芳露
貞脆無異姿
濯濯等鮮妍
猗猗競華滋
秋風颯然至
殞落紛蓬茨
獨茲異衰草
烈士當艱危
佳色

不為艷貞心常有持稟性夙已定造化無容私

題四景畫

春陽忽將違紅芳坐來歇山深雲木凋流水鳴咽樓
觀隱空青幽人息環轍望來不可親恍然與世別

又

夏雲歛虛壑輕颺散林坳袒息坐幽宇曾無塵事纓磴
泉响非聒聊且陶凡情物態已俱逸樵路無商聲

又

秋山風露寒林莽忽摧落山家樂餘暇逍遙在虛壑白
雲澹無心紅樹相羅絡此景良已佳何用翔寥廓

又

冬嶺森瑤林積雪縞絕壁天空失孤鳥萬境喧一寂嘆
此行路人旅騎猶歷歷高居者誰氏綸巾坐方適

小孤山

海門第一關巨石水中間陰雨蛟龍出天晴鸛鶴還巨
川浮玉笋兩岸見青山亦有摩崖字蒼苔點點斑

彭澤

青山圍一縣，隱隱見人家。
亂石江邊出，孤帆帶日斜。
翠添官舍柳，香泛驛樓花。
不見陶彭澤，湓城起暮鴉。

將進酒

故人手攀金屈卮，進酒與君君莫辭。
仲子不援同產服，孟公肯顧尚書期。
當歌感戴風相結，吳姬楚苧莫停舞。
黃河東走不復回，白日徑天豈能駐。
田文昔日長經過，朝酣暮樂衣綺羅。
高臺已傾曲池廢，只今誰聽雍門歌。

我有一曲側君耳世事悠悠只如此子雲浪作投閣人
賈生空弔湘江水春風南園花滿枝莫待秋風搖落時
東山嘯起徒為耳乘時莫負高陽池

琴清軒

大瀛海上三神州飛仙挾我同遨遊銀臺金闕麗霄漢
琪花瑶草涼如秋中有神人粲霞綺臉若丹砂玉為指
遥持三尺爨下桐鳳喙龍唇半焦尾芙蓉隱褥青石牀
博山爐熏沈水香珊瑚雁足水晶軫吳絲絙絃冰縷長

一絃初試韻殊絕松梢輕籟鳴騷屑二絃再鼓聲琅琅
石上寒泉灑晴雪彈之三四沈且幽空谷倚蘭香霧浮
祥雲捧月海底出海色含光凝不流移宮變徵逾五六
鳳飛冥冥秋氣肅神留貝闕凜難留離鸞翔飛鶴警宿
泠泠撫徧七絃終方壺員嶠來天風神魚躍出九淵浪
潛蛟騰舞馮夷宮神仙驚駭攬衣起毛髮蕭騷颯如水
恍然不知天宇清只疑身在冰壺裏我亦與之渡海堧
仙凡間隔三千年幾迴夢寐想丰采妙音落落無由傳

近登華玉峯徧踏丹崖石望見紫蘭溪涓涓湛沈碧忽
逢當日島中仙謫降塵寰人不識玉童猶抱一張琴囊
封古錦徽黃金開懷為我奏一曲坐令萬木含幽陰羣
雄杳渺迴高邁似就鈞天破聲噴萬斛吹襟歟掃除目
曠神怡絕纖芥君非攀龍曾上九天飛學得軒轅數曲
之所為早年出入宮禁侍虞舜記得五絃琴上南風詩
不然何事列仙籍復向人間寄蹤跡琴收嚮寂尋舊遊
共展颺車跨鼇極

攬秀軒

東西倚空看翠幙高騎勢欲橫江來青天月照芙蓉影
鳳簫聲合松風迴西山採薇客長往不可接孤高顏色
照霜寒片片秋雲剪松葉南山白石爛生烟叩角悲歌
憶昔賢爾來山中亦蕭索空結雲巢擬謫仙王家東軒
九江上時有仙人獨來往開窗直與東阜齊遠見青雲
夾河上江流黛綰光相射對客題詩坐朝日便應剡入
廣寒遊何用山行羨玉質

行路難

倚劍且莫歎聽我行路難世途反覆常波瀾焦原九折
未為艱君不見漢謠斗粟歌未闌長門瀟瀟秋草殘骨
肉之恩尚如此何況他人方寸間又不見絳侯身榮應
繫獄賈生終對長沙哭功成更覺小吏尊才高寧避明
時遂所以赤松子遠赴中林期誰能吳江上見笑鴟夷
皮驪龍有珠在滄海勸君逆鱗無浪披子推介山下屈
原湘水湄當時枘鑿一不量至今憔悴令人悲行路難

難為言滄浪一曲且歸去長安大道橫青天

夢仙歌

明珠昨夜紛跳蕩天風吹夢九天上銀浦流雲壓錦衾
露脚斜飛濕羅幌月婁搗藥臨丹爐霓裳曲奏皆仙徒
秦階欲升若無力玉童兩兩爭相扶豐隆左右俄傾倒
駕風鞭霆過蓬島不死時吞玉液霜長生飽食金光草
周旋徧歷寰宇中九垓十極隨飛翀安期羨門幾同笑
木公金母常相從手閱陰符與仙纂往來玉房與瓊館

霜華冰壑不知寒
暢谷扶桑寧解暖
覺來飛落洞庭孺
猶呼我是雲中仙
瀟湘極浦知何處
雲雨荒臺空惘然

題山水

溪山有逸趣
蒼崖凌紫烟
遠峯落天半
中有飛來泉
蒼茫樓觀出
林杪丘園四
顧居人少
夕陽往往見
漁樵古樹陰
陰亂啼鳥望
中峯高雲錦
帳如此溪山
猶故鄉玄潭
觀裏三峯出
白鷺洲邊二
水長碧梧翠
竹連江岸菊
潭秋嶼花爭
亂好景偏宜
白日遊年華
每被青春換
寄

語溪山如有情
氤氲佳氣常鍾英
山中美酒置千斛
待我歸來尋舊盟

白鶴圖歌

翼軫白榆光墮地
化作長禽如老翁
瑤池蓮花雪中朶
末葉微露丹砂紅
軒昂有意出塵表
九萬餘里騫長風
上天下天訴真宰
朝食幽都暮瓊海
月中清唳露彈珠
日下和鳴雪散彩
或隨天帝參龍翔
或駕羣仙翳鳳皇
翡翠巢高混茫上
皇皇四達門無傍
溟渤崑崙此棲息

天地側身思咫尺吳都衛國兩無情芳草寒烟幾回碧
雞羣誤落終昂昂閒情不語春風翔羈栖豈為稻粱計
且向幽人仙夢長君不聞薛少保青田寫真出天造一
筆能將萬壁開冰紈雪蠶傳皆好又不聞杜少陵大篇
短章神鬼驚長禽自可百千歲加之詩畫何聲名嗟哉
二老世豈無將軍今有雙鶴圖梅萼橫絕角并孤水出
花開香欲剗竹石落兮莓苔敷飲咏不受愛者呼麾之
不去招之不來磊落豈有軒車汙上帝何不喚取歸清

都

廬山攬秀歌

昔年拄玉杖去看匡廬峯
遠山如游龍半入青天中
四顧無人獨清秀五老與我同
春容手弄石上琴目送天邊鴻
二儀自高下吳楚分西東
洪濤巨浪拍崖下波光上與銀河通
吸澗玄猿弄晴影長松舞鶴號天風
天風吹我不能立便欲起把十二青芙蓉
弱流萬里可飛越因之獻上蓬萊宮
羲娥倏忽遂成晚往往夢寐尋仙蹤

不知何人撫此景樹下一老與我襟裾同披圖題詩戲
相贈氣騰香霧秋濛濛

賦得字水成文送子曾

章江飛出贛石來大皋渡頭羣玉開神螺浦翠曉光發
天嶽山高青練回東江西江小水合章水波濤何壯哉
雙洲橫作兩龍劍交鎖石瀨鳴春雷一點分明飛作筆
上字成文下成字桑田滄海說荒唐焉用河圖洛書出
文水生祥不可休坐談孔孟思伊周蕭曹管樂不作數

倦游往往思扁舟陳君更在水西住幾回擊楫歌中流
鷗鵠洞前薜荔曉赤石潭下芙蓉秋天風吹雲捲大旗
玉文深發清漣漪君今歸去事仙賞我亦懷之歌式微

題竹

江南處處多修竹涼雨瀟瀟響寒玉孤帆送出龍欲馳
怒籜纔舒虎猶伏霽景時開忽往來清陰迥遶天垂綠
我昔金鑾夜直時月下風前時見之天然妙影落罽毼
展轉江南勞夢思故人示我新圖好淇園渭水空烟草

此君真節萬世同縱有雪霜能自保

眉山天下秀

峨眉春月鬪嬋娟雷砵夜響空中泉江南客子喜空翠
踏徧平羗江水邊歸來夢寐遶巖壑千花爛錦明帷幄
起來如在峨眉巔畫史新圖為君作隴西太白去不還
浣花草堂苔石斑西川風景世間少令人長憶峨眉山

盧氏秋夜賦寄王院判

羈懷不自釋終夜卧復起長風吹河聲瀉入茆屋裏青

天高高素月橫露華淒落羅衫輕干將鑢邪欲自見中
夜忽作雙龍鳴志士遭逢苦不早遠道憂心急于搥謾
說咸陽與洛陽昨日鶯花今日老我有母兮江之南盈
簪白髮絲髮髮柴門半掩綠樹下落日凝望情何堪我
有弟兮湖之北雲夢君山萬里隔三月歸鴻已盡飛相
思一字無由得金蘭交契王使君一日不見心氤氲適
來為別忽三載夢魂踏徧江東雲平生只欲事高潔骨
肉交遊總疎絕慷慨臨風一灑然淚痕滿袖都成血衣

袖初乾夜向晨古來忠義多艱辛江鄉有路且歸去秋
風野水堪垂綸

夜窗吟

更深坐久燭光短人靜紅爐火初煖朔風吹得笙簧裂
碎點霜華上銀管攬衣拭目雁行細梅梢月到松梢末
敲冰花水澆醉腸寫向吟窗敵寒氣鼓鼙凍損聲不動
別院人添翠衾重筆尖欲挽陽和回蝴蝶無情入春夢
朝來閒倚欄干立忽聽林鴉報晴日殷勤細讀中夜詩

一笑雲邊亂山出

送蕭簡討引高南還

新雨不成泥鞦韆樹上啼征夫懷遠路家在大湖西別
家今幾度楊柳江邊樹念鄉車輪下漸是中年路萬事
中年尚可期人生且莫長別離長別離向何方九河落
花情浦香玉睂斑斑兒乳黃南望不見三高堂奈此遊
子思故鄉我家蕭君濟世早功成身退合天道當時未
必去者賢挽不回兮卧烟島後來親閱虧成事始識從

初去時好憂者舉觴酬白日惟有皇天照空谷赤手相
期身後名為君寫作送行曲曲中推憂難為情君行聽
我歌兕觥明日買船棹秋聲乘秋東下窺滄瀛飄然如
去白玉京須君禹穴相逢迎

池口阻風

避風貴池口維纜臨川渚白浪如山捲雪花黑雲匝地
飛陰雨此時魚龍爭沈浮江湖石烈無安流馮夷擊鼓
怒鼉吼恍惚可以追冥搜須臾雲散風暫息移船買酒

澆胸臆鮮魚須得豈問錢縱飲高歌忘岑寂便覺紅光
催入顏推蓬且看池陽山九華蒼翠杯中墮對景不復
論鄉關樽前携手有知己前程嗟嘆徒為爾青雲有路
待我來一日南風劇千里

雲林書屋為迹符高雲題

南山當戶青削玉蒼蒼古樹屯雲綠浮空長日蔽涼陰
閣宇隨風散晴煜江飈泠泠吸不動有意從龍翼丹鳳
秦嶺時興韓愈詩陽臺夜入襄王夢縈林絡石紛紛入

杳冥昏默寒聲泣翡翠葉中雨欲流珊瑚枝上晴猶濕
中有高人結茆屋燈火琅琅夜深讀案橫汗簡三百篇
架插牙籤千萬軸中垂數字大如斗銀鈎鐵畫烟霞遶
芸草春香辟蠹蟬琅玕畫影移蚪蚪欄干十二幽復幽
遙吟俯唱暢悠悠清風明月自昕夕黃簾綠幕閒春秋
最君勉勉循天爵起奮遐齡聳寥廓為歌一曲長風生
青雲掛在天南角

少年行

千金換寶劍，短後縵胡纓。銀鞍照紫燕，雜遝洛陽城。洛陽城中足年少，陌上相逢開口笑。按鐃長歌猛虎詞，彎弓直上呼鷹道。歸來買笑何所驩，白日推擲夜未闌。百觴每共朱家飲，一飯差從漂母餐。胡姬二八垂兩袖，短笛橫吹折楊柳。一曲臨風意氣生，珊瑚擊碎亂從橫。春來秋去只如此，五侯七貴為知己。却笑侯嬴老抱關，白首夷門不暫閒。

題馬

秋露漙漙五花白金鞍紫駟度香陌奚官穩控青絲韁
天仗從容閑玉策歸來意氣閒且都欲飲靈泉驚沙磧
何當披甲騎爾行一日長鳴空冀北

踏青行

春風綠遍天涯路滿院殘紅不知處西家有酒不肯賒
愁坐茆簷日將暮出門時作踏青行晴川雲暖花冥冥
時人堦管吹落日難為一段江南情

隨駕登紫金山賜果

天晴隨駕共登山中使傳宣薦玉盤
金谷人遊紅步障石房仙嚼紫華丹
猩紅泣露珊瑚軟鶴頂迎風瑪瑙寒
侍從詞臣知此味渴中無惜齒牙酸

春日早朝遇雪

乾坤陰慘碧雲遮變幻江山景物嘉
千里月華輝玉樹九重春色墮瑤花
偏憐孟叟吟寒句空笑陶公潑沸茶
爭覩京城多壯麗瓊樓玉宇覓無瑕

洪武戊辰呈諸閣老

黃閣編摩屬老成文章落筆鬼神驚
幾回青瑣陪高宴每有微言起後生
細雨乍過西掖樹薰風遙聽上林鶯
自慚淺薄才無補願竭忠勤答聖明

賜告回鄉

久客歸來宦況微獨騎驄馬訪新知
連宵未盡平生話明日如何忍別離
桂子雨香松葉暝菜花風細麥苗肥
分明記得尚書夢紅杏春生玉樹枝

翠竹軒

蕭公樂隱向清幽種得琅玕近屋頭翠色入簾侵淺笋
綠陰當戶覆書樓八窗影散淇園夜四座涼生嶰谷秋
我亦歸休偏愛此携琴終擬訪王猷

洪武丙子承蜀府賜寄徵和且欲一見自分不
得往因以東平答望焉

文淵閣下候鳴珂瞻宇于今六載多春到錦城花匝地
夢遊丹府水盈科看雲玉局依山入訪道金輿載酒過
自分不堪陪奉引祇將雲漢日吟哦

奉天門外御橋東南蓮花盛開陪鄒侍講同觀

賦此

玉泉舊繞禁城流
菡萏開時滿御溝
翠蓋拂波常帶雨
紅衣照水未逢秋
風翻涼影鴛鴦浴
露濕寒香翡翠愁
此處已看花似錦
何須遠汎鏡湖遊

回文詩

年年自調曲吹笙
樂處遊人共笑行
烟柳綠分雙舞燕
雨花紅落亂啼鶯
仙家酒琺千愁解
客館山牀一夢清

睨睨和鳴春鳥好天陰半雨半開晴

題善耕堂為張子善作

幾年塵俗不相關此志長存畎畝間
麥隴雉飛雲冉冉稻畦鳩喚雨斑斑
紫藤垂處烟含樹黃犢歸時月滿山
遙想當時辛野叟寧知此地更清閒

竹溪春曉圖為劉孟雍題

武林溪遠桃千樹汴水春深柳萬條
何似此君多勝槩偏宜清隱絕塵囂
翠禽啼處烟如織錦籜栽來雪未消

却笑此生慚六逸相思為寄白雲謠

潭溪劉氏秋江亭

華亭屹立俯長流占斷潭溪萬古秋一霎金聲人倚檻
半篙寒綠客呼舟芙蓉露白江波冷梧竹風清枕簟幽
車馬紅塵應不到此身何異在瀛洲

三月踏鞦韆

歌管樓臺景物妍美人歡喜戲鞦韆絲繩挽着纖纖手
畫板輕搖步步蓮錦袖飄飄紅杏雨雲霞蕩蕩綠楊烟

傍人未識風流處疑是空中有謫仙

漢武帝思李夫人

奪寵夫人逝不歸秋風思起雁南飛玉牀高揭鴛鴦帳
金殿空遺翡翠衣攜手凝香何處再牽衣遺影果然稀
椒房但顧丹青像織女分明近紫微

寄胡敬方西澗

鳳凰山下幽居好七里江深釣艇閒芳樹遊絲牽白晝
冰盤鮮鯉戲斑斕秋聲繞屋涼先入月影如城夜不關

若到市朝仍念此千金買贈始知難

送人還家

九月江東白雁飛京華遊子賦南歸湖水落郵程速
澤國霜清浦樹稀祇念庭闈疎覲省不知閭里重光輝
秋風雙桂階前好定有花香拂綵衣

送訓導吳嘉靖新淦

三月烟花遶帝畿都門分守各依依青山遠道遙相送
畫舫中流獨自歸名姓已看登桂籍林泉不必問荷衣

欲知此後思君處玉笋高寒隔翠微

蒼梧即事

蒼梧城北繫龍洲水接南天日夜流
冰井鯉池春草合火山蛟室夜光浮
千家竹屋臨沙嘴萬斛江船下石頭
伏枕夢回霄漢近珮聲疑在鳳凰樓

北流勾漏洞

北流縣下古銅州平地山巖聳玉樓
誰為丹砂赴勾漏人傳青竹滿羅浮
楊妃井塌風烟古葛令祠荒草樹秋

却憶故鄉山更好錦袍歸去棹扁舟

藤縣即事

繡水東來古鬱江古藤城郭鎮南邦山雲橋度飛虹並
江月樓空乳燕雙晴日鶯花紅錦帳春風烟樹碧油幢
吹簫喚起蛟龍舞金鴨焚香倒玉缸

赴京早發文江

北風吹冷薄寒裘萬里遙憐上國遊雪色迷人明兩岸
江聲入夜到孤舟春歸忽聽雲霄雁晝卧惟聞渚水鷗

不為浮名相絆繫故園花木興悠悠

遊承天宮

玉筍承天老子宮平原十里萬山中三千歲後桃花老
二十四橋秋水通梅子廟荒秦樹倒何君石在古苔封
同遊感慨知多少雲物淒涼夕霧重

登粧臺

半空巖石架高臺過客登臨此處來珮玉尚聞仙子去
乘鸞疑見女郎回澄江水淨明粧鏡絕頂雲寒綰髻堆

一望東南形勝濶寧須海上問蓬萊

發池口

水濶風驚浪疊堆扁舟臨發更徘徊雪流翠巘春寒在
日落黃蘆暝色催鴻雁影搖疎遠信鼓笳聲急墮殘梅
故園桃李先知暖想有繁花幾樹開

聞鶯有感

朝回緩步午門西烟柳和風滿御堤塞北陣寒飛鳥絕
鶯聲只戀上林啼

寄叔昭

我向臨洮君度遼
長城萬里兩邊頭
即今都到長城外
幾許長城長似愁

客中元夕

去年此日宴傳柑
兩袖天香御酒酣
今夜客中風又雨
可無歸夢到江南

郭玉

晚雲飛撲玉驄歸
不斷香風酒力微
夜久坐憐明月好

細鋪花影繡羅衣

子享叅謀

多病文園渴未消自從人日到花朝不知楊柳將春色
綠到淮南第幾橋

寄鄧維翰

經年兩度還鄉里九載相逢話夙心曾見誅茆新築室
門前嘉樹總成陰

陽朔

陽朔縣中城北寺人傳曹鄴舊時居年深寺廢無人住
惟有石岩名讀書

市橋會郭千戶作

沙磧茫茫塞草肥
桔槔峯上暮烟飛
交河北望天連海
蘇武曾將漢節歸

南行題扇

桂宮仙姊織吳蠶
一片銀蟾浸碧潭
頃刻天風生掌握
飄飄涼氣滿江南

為玉衡題竹

昔在君家看竹林前賢題徧映泥金
即今追想門前路籬落應添翠篠深

題林禽山雀圖

人間不見函封帖粉墨驚看落畫屏
山鳥飛來林雨後蒼苔啄破子青青

歸雲圖

白雲如練繞南山遙聽樵歌紫翠間
落日雲頭秋色晚

望中應見鶴飛還

題扇寄致廣

亂雲飛盡碧空涼
剪得瑤臺月一方
惆悵廣寒何處是
美人今日隔瀟湘

歲寒圖

羣芳搖落盡凋殘
惟有孤根耐歲寒
為道滄洲深雪裏
獨留蒼翠與君看

白頭鳥

風景蕭條鳳不鳴
雙棲田野更關情
為誰愁得頭先白
一段愁心畫不成

文武醫卜漁樵耕牧

毛錐端不讓龍泉
病在膏肓命在天
釣罷懶經山下過
一犁春雨伴牛眠

扇上竹

江南物物易衰榮
冰雪炎天萬變更
惟有此君明月裏
更無圓缺與陰晴

題扇次光大韻

山陰無客換鵞羣只有王猷愛此君
裁得渭濱烟際玉織成湘水月邊雲

題劉彥達龍幃

道人飛入水晶宮手挽天河畫玉龍
一夜風雷繞南國海門桃浪漲春虹

寄于仲寬

欲寫鄉書寄故園行人已遠意空存
舉頭忽見南來雁

陣陣隨君度塞門

過池州

日日南風送客舟
舒州纔過又池州
九華雲捲芙蓉帳
掛在青天白玉鉤

過湖口

歸帆一到彭湖口
便覺天光入畫圖
却歎湖波湧秋色
能令寒雁叫黃蘆

過南康

仙臺觀裏仙遊處丹井虹流五夜光正是小春寒雨後
滿船沽酒過南康

過新淦


早春遊望過歐潭青竹紅桃水似藍釣艇畫橋山色裏
令人只是戀江南

象牙潭

人家橘柚醉晴嵐龍鳳洲長勢疊三西去一山如翠帶
舟人說是象牙潭

慧祿寺

慧祿寺前江水流
萋萋芳草滿汀洲
十年不到臨江郡
依舊青松接畫樓



石倉歷代詩選卷三百十七

欽定四庫全書

集部

石倉歷代詩選卷三百

十八至
二十二

詳校官庶吉士

臣龍廷槐

侍讀_臣孫球覆勘

總校官進士

臣朱

鈐

校對官中書

臣范來宗

謄錄監生

臣丁

煜

欽定四庫全書

石倉歷代詩選卷三十八

明 曹學佺 編

明詩初集三十八

王備

遊小雄澗壑有賦

陰島變殘雪流新吐溶溶偶尋一徑微獨與採樵同兩崖濕花
霧衆竅吟天風雲根濯苔髮亂篠相冥濛盤巖折磴道似各冥

搜窮石門忽中斷曠望開烟叢蘿雨澤毛髮松枯清心胸了然
青洲霞照影寒潭空始知人境外別有仙源通振鳥揮片雲投
情依遠鴻玄棲極要眇神遊小空峒真仙金鷲藥一室丹
火紅勅授紫囊訣永期鸞鶴蹤却憶望城市白日氛埃中

交州病中喜林伯禎大叅歸

孤館抱餘瘵殊方積沈憂况茲風雨交薄暮來颼颼中
夜夢九遷上國魂獨遊豈無同心人曠望阻林丘馳驅
王事勤未得休戈矛旦坐念睽違此會良悠悠忽聞擁

前麾載見迴輕輶欣遂懷始開晤言疾徐廖須臾笳鼓
悲耿耿星漢流餘情寄長劍激烈何能休

野田黃雀行

黃雀何翩翩羣飛野田側飛鳴自相呼飲啄仍共適誰
知游俠子張九事彈射腥軀薦鼎俎腐壤委毛翮微物
何足甄感念在疇昔蔡侯富游盤行樂方未極安知子
發至一旦殞其國至哉莊辛談可以長太息不觀黃雀
哀千秋復何益

晚至囊山寺

蒼山入疎烟狀若土囊決振衣秋磴鐘投舄化城月天
吟動風籟霞想陋雲闕沈沈慧燈影了了見豪髮余生
值多故所性慕禪悅偶偕真僧期始若妄緣絕冥心依
覺場度世賴慈筏誰能量虛空湛爾離言說

遊清源山道院

仙人有竒觀雞犬白雲裏春至桃花開千枝映流水星
壇藥草青夜室丹光紫天上期鶴笙人間識鳬履伊余

倦俗流十載困泥滓久意期大還乘風一來此金書啟
真秘石洞洗玄髓河車信可營心期羨門子

與諸公同遊神樂觀

涼雨度高閣蕭條秋氣深洞門薄微寒逸興生前林道
人琳館靜開窗修竹陰詎因避微簡偶此諧纓簪掃石
鳴素絃遂忘名跡侵前山倏已見秀色浮重襟翳翳青
桑枝颯颯來遠音笑言欲遺返落景明西岑

登金山寺

江近海勢關中流孤島分化城若浮出鐘梵空中聞真
僧何方來于茲巢白雲魚龍護法界日月栖山門而我
汎梗蹤偶因滌囂紛真源杳莫測積氣長氤氲一灑甘
露言便覺蘇焦焚棲身恍圓鏡永絕諸漏因

登劣崩峯宿湧泉得仍字

翠微白雲裏逢秋思一登聳身躡雲壁飛泉搖古藤洞
豁海天際坐見萬景澄飲澗動羣鹿宴林逢真僧邀我
宿化城珠林懸古燈寥寥片月上悄悄天籟凝因悲向城

市塵髮秋相仍

水亭夜懷黃八粲林六敏

孤亭水雲深人境自幽絕
七絃罷鳴彈桐陰初上月
偶酌尊中醪高卧望雲闕
荷露清角中松飈濯毛髮
寥寥天籟寒吟詠了未輟
志偕南阜隱興藉東山發
同心念離居中夜思超忽

晚至石潭遇孤鶴懷仙

洞口拾瑤草石流正淙淙
尋源信輕筴一逕披鴻濛
攀

綠雜花鳥亂聒松桂風石牀留片雲玉鏡莓苔空少焉
羣壑靜落景明西峯獨鶴何處來舞影寒潭中因之想
長馭乘化入無窮

晚至洞神宮

晚直下仙闕乘間清道機福地集萬靈迢遙麗神圻入
門喧自息微風吹我衣烟林閉虛境密竹垂陰扉于時
東嶺霽素月流清輝妙賞愜初願閒心不知歸夜桐有
商意掃石橫金微

今日良宴會

三川富豪雄濟濟美少年驩遊及芳歲鞍馬何翩翩秦
箏奏新聲妙舞妖且妍今日良宴會意氣如雲烟人生
若朝榮灼灼寧久鮮無為坐埽壤流光悲逝川

苦別離

瑤瑟對玉卮中有千萬思欲彈再三歎多是苦別離妾
顏如秋華零落方在茲君心如逝水一去無迴時皎皎
雲間月幾見圓復缺月缺有圓時君胡苦別離

秋夜齋居懷唐泰

高梧月未出
暝色疎煙裏
雖雖鳴雁來
聲在秋塘水
孤燈捲簾坐
寒影對窗几
青空吹微霜
瑟瑟動輕葦
援琴不成音
感別在千里
誰值晨風翰
淮波盼游鯉

初秋夜坐寄王紋

輕颼生早涼
孤館清興發
桐陰落前墀
遙空瞰華月
方此抱沖素
況值清境豁
濁酒聊自持
瑤琴弄應闕
知音念乖阻
咫尺不可越
相思良未已
坐見曙河沒

送張謙

醉呼秦淮酒臨岐歌慨慷吳姬小垂手弄曲春風長扁
舟不停橈去路但茫茫青山入楚甸白雲思越鄉豈無
壯士懷擊節心飛揚憑將繞朝策一贈囊中裝

出雞陵關

手揮白羽筆凌晨出夷關夷關春始開行旅多歡顏笑
掬青澗流為洗瘴癘殘浮雲引征佩共結輕陰還前登
忘險疲憑高眺林壑却憶征南幕溟濛海霧間

舟移豫章高士亭址下寄新喻文學潘時彥

雲水極杳靄一櫂東南歸青林相掩映白鳥烟中飛
新蒲乍隱舟漫流侵夕磯偶尋高士宅忽悵故人違
搖曳鳴玉琴誰云出處非明發引前望五老收陰霏

感寓

凌晨採琅玕泝彼洛水涯脩然有神遇綽約間令姿
投我以珮環却致交甫辭艷色豈不姣贈賂良亦稀
但恐結褵好中道有所虧

其二

天天園中桃灼灼映綺窗窗中有織婦顏色如青陽三
年弄機杼七襄成報章成章欲何為願以充君裳但恐
不見察徘徊空感傷

其三

析龍敏辨給惠施夸便儼竹書信激詭堅白方自賢騰
口徒見尤胡能事幽玄九州誰復徵多方亦已然去矣
桃李蹊予將欲忘言

其四

折盤引菱荷激風和結楚皓齒揚修蛾清樽間芳俎三
川美少年五陵遊俠子取樂不知厭但畏韶光阻焉知
董生惟心妙在千古

其五

齧膝志萬里蘭筋何權竒長鳴一見馭蹠躐遺風追伯
樂苟不值曠世誰能知離離玉山禾曷慰渴與飢八龍
眇何許宛足長相隨

其六

昏壁中始見烈風號
北林飄颻遠遊子
中夜抱單衾繁音激楚奏清商
悲越吟豈茲異鄉感
無之年歲侵胡為苦行役薄暮猶駸駸

送陳煒

池上百草綠春城
黃鳥吟玉壺清酒與君別
青山去後空雲林問君此行何慷慨
一笑揚眉起滄海
須使功名及早成
莫教綠鬢流年改
拂劍酣歌四座傾
共看仙籍

快登瀛上林奏賦久相待宣室求賢方未寧縱酒臨岐
不知晚落渚蕭蕭送歸雁別路雲程兩地分目極烟江
去帆遠

西亭夜送林六敏還山

今夜西亭月秋風梧葉涼故人發孤興別夢遶林塘浮
世相逢心草草羨君拂衣一何早百畝風泉繞桂枝歸
去南山跡如掃南山松桂北山雲飲澗穿雲麋鹿羣窗
間明月但高枕洞口飛泉長對門知君自是悠悠者何

須叩角歌長夜鄭谷年來秋草稀鹿門誰伴白雲歸君
行好覓赤松子余亦將紉薜荔衣

宿桃溪方翁家贈別

清溪一帶綠桃花春來水上流胡麻東風尋源泛瑤櫂
雲中遠見山人家于茲水木相含景裊裊松杉亂天影
少焉林壑衆籟鳴中鳥飛來片雲冷二三老翁住東陂
薜衣霜雪垂兩眉自言入山歲已久不知人世今何時
傳聞有客驚還喜共薦清泉飯松子烟林霧篠不逢人

碧草苔花應滿地問予何事在塵間那似山中日月閒
澗戶聊同魚鳥醉石牀常伴雲霞眠乍逢靈境真堪悅
區緣未謝還成別別後重來定幾時夢繞溪邊綠蘿月

聽琴歌送方氏逸民歸天台

嶧陽孤桐節風雨中雙鳳幽修語一辭爨下登高堂
徽向黃金思何苦初彈一曲南風生端拱垂衣虞舜庭
悄然再鼓神欲往美人頎頎結遐想須臾改調絃亂鳴
引宮刻角流新聲汎如陽春激白雪澹如綠水涵秋清

羨君操成有如此十指遊心在千古
外翩翩鸞鶴翔松下傚傚鬼神舞
世間箏篴徒紛紛可憐此調誰能聞
江湖寥寥少知己抱歸獨卧空山雲

送夏廷簡宿怡山蘭若

別路繞珠林秋來落葉聲一燈今夜雨
千里故人心已覺空門幻還驚旅况
侵坐聞鐘鼓曙離思轉沉沉

和王舜舉春日襄陽之作因送之歸

漢水千年綠襄陽二月時人歌大堤曲
春到習家池且

縱山公醉寧同叔子悲葛強今已老歸馬莫教遲

送李校尉致仕還江左

雄劍委龍鳴關河白髮生功成百戰後老去一身輕
夜月桓伊笛秋風驃騎營燕歌何處寫曲罷有餘情

賦得花影

欲拂更紛紛空香寂不聞亂迷芳蝶夢輕護錦苔紋
襯月籠書幌因風颺舞袞莫移庭下步蹴碎一階雲

武昌晨望

不飲武昌水焉知吳楚風山川霸氣盡今古壯心雄帆
去三湘遠天連七澤空登臨何所恨江漢正流東

邕州

五管推名郡雙江接上遊人家蠻洞曉山雨瘴烟秋遠
客誰青眼殊方易白頭夜來南極上分野望牽牛

入西山訪張隱士

兩崖噴飛瀑結屋烟蘿裏山人不冠屨客至但隱几獨
鶴海上歸孤雲澗中起淨掃白石牀風來墮松子

蒼梧道中

驅車九疑道獨鳥東南飛
看山不覺遠秋雲生我衣
深谷走羣籟半岑明夕暉
中林有蘭茝薄暮空芳菲

山中寄郡城諸生

還山見孤雲悠然與心契
素絃橫石牀泠泠寫秋意
却憶社中人寥寥在城市

送林少府還九江

握手白下門棹歌莫催發
且沽玉壺酒共醉金陵月
明

日望匡廬孤舟坐超忽

短歌行

東風吹花墮錦筵綠楊半暉青樓烟主人自為鸚鵡舞
小妓更奏鴛鴦絃當杯入手君不醉落日已在西山巔
短歌一拍心茫然請看明鏡高臺上何須白髮悲芳年

王芾家詠梅花燈

并娥剪素鏤秋水蘭燄傳春破瑤藥粉屏射蠟搖珠光
的歷冰魂廣寒裏嚴城畫角聲咿咿義馭漸軋搏桑枝

芳心暗逐烟燼落玉兒味冷沉烟薄

草堂與山僧夜坐喜自牧馬大見過

移居深入水南村五柳新栽正對門
傍岸春流沿翠篠亂藤栖鳥近黃昏
牀頭折簡山人致燈下名香野衲焚
童子夜深知客至隔隣呼取醉芳樽

春暮同周玄郊行宿烟霞道院時約黃生同奕
累月看花奈醉吟不知春樹變鳴禽偶隨芳草同閒屐
靜掃孤雲響素琴塵世關情人事少松壇期宿夜燈深

明朝入洞觀棋去未許樵夫得見尋

山中送陳生歸海上

洞口花飛春欲闌
玉缸携酒送君還
三年厭見天涯月
千里歸尋海上山
壯志功名看髮變
浮雲世事與心閒
要知別後相思意
萬壑松濤懶閉關

春日對酒酬鄭公啟

與君相見即相歡
況值芳春感二難
樽酒且邀花底醉
流年不用鏡中看
江頭草色侵衣袂
雨後鶯聲滿石欄

世事悠悠祇如此出門何處可彈冠

同自牧瓢所宿張氏南樓

鳥下平蕪夕靄收偶携江客宿層樓月明清夜聞鴻雁
窗近天河絳斗牛幾杵鐘聲雲外杳千家樹色暝中浮
醉來枕藉秋衿薄擬借仙槎覓遠遊

送林叔亮教授四明

奏淮斷雁不堪聞惆悵官亭一送君樽酒暫留吳市月
扁舟遙指越溪雲秋來幾處寒聲早海上千峯秀色分

帳下諸生相待久未應寂寞歎離羣

荷露

翠盤捧明珠蕩漾圓復碎夜來明月中留得蛟人淚

題美人撲蝶圖

為惜韶華去春深出繡幃撲將花底蝶祇為妬雙飛

懷仙寄上清河尊師

崇臺高映大羅顛三素流雲繞碧天王母不來春又暮
洞門閒却古苔編

閨思

冷落殘箏十指疎
良人遠戍近何如
樓頭數盡南飛雁
不見遼陽一紙書

黃陵廟

芳洲煙草碧萋萋
古廟雲深落日低
剝盡殘碑無可問
春山惟有鷓鴣啼

病中懷故山

裊裊輕陰石逕斜
野人迎住近烟霞
別來門外滄浪月

開遍青松幾度花

交州即事

一騎衝嚴到市橋
夕陽烟樹草蕭蕭
居人解指高駢塔
碧瓦朱甍尚未凋

江上見荼蘼分得人字

向來同醉帝城春
馬首東風落絳茵
玉架錦屏消息斷
只今誰是冶遊人

石倉歷代詩選卷三百十八

欽定四庫全書

石倉歷代詩選卷三百十九

明 曹學佺 編

明詩初集三十九

楊 榮

洪巖山房為胡祭酒題

豫章古名郡洪巖出西山雲霞紛照耀鸞鶴相往還長
松倚絕壁垂蘿不可攀聞昔有仙人於茲煉神丹功成

蛻汙濁逍遙白雲端君家住城市卜築思巖巒翠林延
朝光靈籟生夜寒石田不播穀所產皆琅玕自從領鄉
薦振衣遂彈冠鳴琴宰花縣載筆登金鑾英才樂教育
討論孔與顏竭來寄遐想緬彼洪巖間蕭然絕塵俗景
物幽且閒陽巖被春華陰壑含風湍何時返初服於焉
賦考槃我欲覽竒勝相從以盤桓幽期倘可遂膏車扣
柴關

題楊諭德東臯春雨圖

春至時雨降駕言向東皋驅牛種嘉苗
稂莠亦以孳所期歛穫豐詎辭筋力勞
時復事簡編或以酌醴醪熙然隴畝間
此樂奚其高掛冠未有期南望徒鬱陶
託此寓幽意毋使心忉忉

題劉教諭兩山書堂

左峯儼飛蓋右峯如聚轂兩峯並高寒
對峙氣清淑羨爾志冲澹於焉構書屋
中藏萬卷餘琅琅時誦讀青燈深夜雨
瀟瀟響梧竹豈無青藜翁殷勤訪天祿
白雲東

西飛蒼翠宛在目于茲移教鐸遠度松溪曲靜對湛盧
清難忘故山麓寫此寓高情尚慕紫陽躅

螺山村人

峨峨金螺山下有田與廬日出雞犬喧蓐食事犁鋤白
髮不到城柴扉俯江墟隣翁時來往濁酒聊與娛賣卜
或開肆屢回長者車一朝承薦剡忽捧五色書竭來住
都市門巷恒宴如淳朴本真性寧謂禮法疎緬彼螺山
側悵然懷故居願言崇令德允矣揚芳譽

題王侍講山水

木落霜氣清秋山淨如洗
天空萬籟寂地迥孤雲起
深溪湛寒綠對此清心耳
安得掃蒼苔橫琴寫流水

聽松軒

雅志尚林壑軒居絕塵囂
喬松當前楹柯條入雲霄
清風颯然至流響何瀟瀟
初如振波濤倏若鏘鈞韶
泠泠拂几席飄飄度山椒
憑闌試靜聽迴覺形神超
緬惟歲寒姿節操長後凋
最哉慎所持永矣懷高標

薊門別意送程汝器赴饒州教授

秋高薊門路灝氣肅以清
念子將遠別相送出都城
祖筵集冠蓋綠酒且頻傾
臨歧欲分手繾綣難為情
嗟我子所契夙誼如弟兄
麗澤兩資益硯席恒相并
衣冠立孔庭燈火親韓檠
羨子先着鞭科目振英聲
金馬待明詔萬里皇華行
我亦忝後塵翰苑蚤登名
與子聯鵷班出入在承明
中道子蹇蹶一旦復超升
繡衣立霄漢驄馬耀神京
俄然返初服振袂謝恩榮
閉門卧空山塵俗

澹無營及茲承薦剡簪綬喜重膺耄疾終懇辭職教任
匪輕西江盛文物師道貴老成子行方自重泮水日橫
經立雪長在門祖武真能繩他年想模範帳下蜚羣英
豈徒儒道崇官蹟亦有榮而我慨離居執手思迴縈申
章道遠意矯首秋鴻征

雲山圖為東里楊公作

雲山何岵毳林木鬱而秀烟嵐絢晴光嵐際峙層構繞
庭芳草深清禽哢春晝有書供覽適有田足耕耨展圖

念初服淹留嬰組綬因援嶧陽桐一寫丘中奏

雲林書屋為曾蒙訓題

青山何崔嵬白雲在林端石澗滴清響松風生夏寒幽
居一何靜塵俗澹不干簡編恣舒卷怡然心所安正襟
味道腴意適遂忘飡名教有樂地豈徒此盤桓勗哉崇
德業令譽垂不刊

九峯歸趣為主客郎中王濬作

名門多俊英家住九峯側君才更超邁務學探六籍伊

昔未仕時朝夕看山色啟戶雲霞紅隔窗烟樹碧一從
遊宦途寓跡在京國分曹屬春卿勵操尚冰蘖擬攄寸
心丹可奈桑榆逼乞身遂退休辭闕中感激引領望九
峯懷抱何所適飄飄峯上雲無心沛膏澤戢戢林間鳥
倦舉沖霄翼眷茲景物佳雅志自相得松風四座清蘿
月半窗白掃石撫朱絃焚香玩羲易利名了不關塵累
覺消釋高風誰能如企彼陶彭澤

重遊東郭草亭

雨霽纖塵淨春和萬景妍
天門紅映日宮樹翠含烟
散步從東郭追歡憶去年
自慚聯閣老幸喜接羣賢
花影侵文檻鶯聲近綺筵
時和無物遂觴詠興悠然

一片秋意為史院判題

昨夜西風起蘋末長林蕭蕭葉初脫
夕陽流水澹無波
玻璃沉浸青冥濶斷堤古岸遙相連
彷彿疑是鑑湖邊
黃花未發含清露白鳥欲度橫蒼烟
人間此景何蕭洒
獨對新圖意閒雅安得扁舟泛綠漪
坐看翩翩海鷗下

題吳尚書山水圖

青山嵯峨半空立萬疊芙蓉紫烟濕峯前昨夜春雨深
繞澗飛花水流急隔嶼人烟凡幾家一徑蒼苔石磴斜
溪迴路細長芳草月落幽林歸早鴉山深洞口行人少
白雲飛墮青山杪恍見滄洲樹色微如聞古寺鐘聲杳
茅簷日出雞犬喧十里烟光連遠村依稀乍疑篋簞谷
彷彿自是桃花源乃知畫者通玄理點染天機筆鋒裏
尚書愛此欣得之素壁高堂見山水人間美景不易尋

此圖直比雙南金玉堂展卷慕清絕
爽氣蕭蕭風滿林
野橋春霽圖

東風吹花新雨晴微茫山影開雲屏
泉聲有無隔幽竇
嵐光遠近排空青小橋橫枕西溪側
過客何由分野色
日華潋潋因物榮芳草萋萋為誰碧
五更朝下承明廬
天香滿袖登遊車十年未着謝公屐
似與岡巒識面初
歸來摩挲醉吟目不唱商顏紫芝曲
何處有山如此圖
移近蓬萊剪濃綠

劍池書館為鳳陽熊知府題

豐城寶劍天下聞紫氣騰煜光照昏一朝劍去蛟龍合
池水深碧今猶存熊君書堂在池側彷彿當年子雲宅
紅簾綠幙對高秋細雨青燈坐終夕翩然振翮起朝端
青瑣闥中列上班功成又轉二千石坐取功名如等閒
有時夢入鄉園樹還憶臨池讀書處早晚承恩畫錦還
劍池魚鳥寧相負

題曹義編修花木翎毛圖

同雲黯淡歲華逼老樹輪囷雪初積
瘦蛟起舞凍欲僵
一鳥歸棲頭已白
中山有物明月精
睚眦相顧如有情
天寒獵罟不復出
靜倚叢薄無人驚
樹傍枸杞枝裊裊
搖落之餘見應少
葉在猶如翠羽滋
實成尚綴瓊珠小
嗟哉植物胡不同
榮枯開落誰能窮
晴窗看畫坐嘆息
默識乾坤造化功

竹雪書房為畫士戴文進題

戴君舊業家錢塘
幽齋剝種青篴簕
冰森玉立鬱蕭爽

珮珂時動音鏗鏘一林遙接淇園綠萬箇如林渭水曲
涼宵白晝風月清翠影重重覆書屋四時佳致迥不同
况茲清絕當嚴冬朔風吹雪滿空下凝梢綴葉相玲瓏
素蛾冉冉來雲表皓鶴翩翩舞林杪是時掩卷一凭欄
清興滿襟應不少自從寄跡京華地翹首山房想初志
陽春桃李任紛紛勁節貞心自無異何人為君寫此圖
故鄉景物渾不殊興來展玩對立久一點塵埃窗外無
題孤峯疊秀圖送太守况鍾復任

東南名郡稱姑蘇土壤深厚山縈紆雲中黛色接天目
天際江流匯具區具區之中峙重屋孤峯高瞰湖波綠
獅巖虎阜相蔽虧紫翠浮光眩人目此中佳景真如畫
閭閻盛世涵清化湖山處處有漁樵隴畝人人樂耕稼
偉哉太守才且賢悉心撫字今幾年鉏奸擊暴植孤弱
詩書比屋聲相傳有時勸農行屬縣露冕輕軒遊歷徧
村童野老競歡迎甘雨和風總如願比來政譽何洋洋
喜看奏最朝明光聊賦茲圖慰離別相期事業齊龔黃

宋徽宗耕牛圖為黃福少保之子題

春原過雨春日熙春樹連陰春草肥田家力耕貴及時
手挽牛兮肩負犁草香泉美牛步遲農心汲汲應何為
上恐公家賦稅虧下慮私門妻子饑吁嗟牛兮胡不知
宣和之初能念茲九重燕暇親寫之驕奢一動萬事隳
塞草黃沙千載悲

元夕賜觀燈

海宇昇平日元宵令節時綵雲飄鳳闕瑞靄繞龍旗歌

管春聲動星河夜色遲萬方同樂事千載際昌期

其二

禁苑東風暖青霄月正中魚龍千隊戲羅綺萬花叢雲
嶠祥光麗星橋寶炬紅太平多樂事此夕萬方同

其三

玉漏傳清禁華燈徹夜明貝宮珠綴絡綵隊錦妝成雲
霧浮香氣簫韶合樂聲願歌天保什萬歲頌昇平

其四

象緯臨天闕，瑤空集萬靈。
雲霞紛掩映，星斗疊晶瑩。
寶地春應滿，金門夜不扃。
千官陪宴樂，拜舞在明庭。

賜遊萬壽山

太液春波暖，承恩泛綵舟。
輕盈蘭棹發，蕩漾玉虹流。
簾影移宮樹，茶香出御甌。
此中多勝景，況是從宸遊。

其二

奉詔隨鸞馭，遨遊遍小山。
風光連禁籞，花影覆清灣。
路繞金宮轉，雲隨綵仗還。
紫騮如掣電，倏已度仙關。

其三

玉澗通泉脈金龍噴雪花崢嶸山骨潤滉漾水簾斜暝
色凝飛雨清聲隔綵霞此中塵不到應即是仙家

鑑湖一曲為史院判題

聞道山陰景湖光一鏡秋遠涵晴日動迥帶晚烟浮花
發連堤樹帆歸隔浦舟承恩方顯擢何許賦歸休

次西昌楊學士贈太守張鳴玉詩韻

五馬自光榮南還兩月程江雲隨去棹汀雨濕行旌客

路歸時遠公堂到日清
龔黃多善政努力繼芳名

送尹御史

驄馬金臺下承恩報政歸
祖筵瓊作醴仙珮繡為衣
水國荷香遠關河樹色微
料應南去路五月振霜威

溪山清曉

晴波何瀾漫碧嶂自深窈
晨光發遙岑爽氣動林杪
雲際落飛泉谷口聞啼鳥
怪底風露清微茫楚天曉

送王太守之肇慶

瓊州太守舊推賢此日承恩及暮年五馬行逢淮甸雨
雙旌重拂嶺南烟都門莫惜金樽盡故里仍看畫錦還
移郡喜聞民事簡憑將德意重敷宣

聞獵

關塞霜清曉色明鑾輿校獵出邊城六龍扶輦旌旗合
萬騎連營鼓角鳴遠火依微秋草薄驚沙寂歷暮雲平
小臣躬覩三驅樂願效嵩呼播頌聲

送弟尚文回南京吏部

遙持使節自南來
闕下相逢喜色開
風雨夜牀情不盡
池塘春草夢初回
封章已進天顏悅
尊酒頻傾驛騎催
惟有新圖將別意
雲山千疊倚崔嵬

度居庸關

居庸峻絕自天成
鳳翥龍驤壯北京
猛士防邊嚴柝響
行人駐馬聽泉聲
雲連幽薊千峯立
地接邊陲萬里程
聖代車書今一統
遐方無事樂昇平

送葉文翰致仕還鄉

別去鄉園二十秋喜承優詔賦歸休
衡門松菊勞歸夢朔雪關河憶舊遊
詩卷已知裁蜀錦客裝寧惜敝貂裘
遙知紅樹溪邊路應有諸孫待艤舟

題周侍讀弟崇縉東園別墅

聞道林園景物新山光水色繞簷楹
落花閒趁鉤簾入好鳥時聽隔座鳴
一徑綠陰知雨過半窗晴影見雲生
雅懷不獨幽棲樂兄弟登朝久擅名

皆山堂為南昌李時佐題

西山勝處說洪厓，應似環滁面面皆。
丹洞雲深龍氣濕，翠屏風暖鳥聲諧。
窗前拄笏花圍席，膝上橫琴月滿懷。
遙想當年稱壽日，萊衣五色炫庭階。

送太尹李孔翼之任弋陽

一官迢遞大江西，把酒都門惜解攜。
孤棹遠經秋浦驛，雙鳬遙向弋陽溪。
薦章已應丹書詔，祖席還分綵筆題。
好向山城敷惠澤，循良應與古人齊。

送判官陳季和之任安陸

十年載筆鳳池頭喜奉天書判一州
薊北雨餘尊酒暮江南水落片帆秋
山城民朴安耕耨澤國官閒樂宦遊
此去想應多善政他年風采動宸旒

送廖自廉赴沅江訓導

棒檄趨朝鬢已蒼儒官南去入沅湘
薊門祖帳逢朝雨漢口征帆度夕陽
秋入楚山黃葉落風生魯泮碧芹香
官情莫厭寒氊薄老去清閒興味長

白兔

金門曙日正瞳矐白兔呈祥迥不同遠帶霜華依鳳闕
遙含月影出蟾宮清標好傍瑤臺上素色偏宜玉殿中
自是太平多瑞應願祈天壽效呼嵩

出喜峯口

崔嵬絕壁勢爭雄破敵機謀出聖衷雉堞遠橫千嶂外
鸞旂遙度五雲中飛騰鐵騎無程進散漫穹廬掃地空
仰荷天威清朔漠凱歌歡動六軍同

踰偏嶺

天邊絕嶺勢峩峩玉削芙蓉入望遙風動鸞旂迎瑞日
雲隨鳳駕度晴霄石林曉霽千峯秀塞草秋深萬馬驕
此處登高成壯覽遐方共仰聖君朝

題邊文進花木翎毛

翠袖逢春自不寒湘江雲散水漫漫飛來青鳥知何處
誤作仙源樹裏看

墨菊

聞道柴桑景最幽晚涼清興到林丘墨池一夜西風起

染作東籬片片秋

題畫

誰家老屋枕溪濱
十里青山半是雲
此處更無塵跡到
祇應啼鳥隔花聞

又

遙看瀑布落寒汀
野服烏巾自在行
好似匡山讀書處
滿林紅葉夜猿聲

石倉歷代詩選卷三百十九

欽定四庫全書

石倉歷代詩選卷三百二十

明 曹學佺 編

明詩初集四十

楊士奇

夏夜用謝宣城韻答陸伯陽

連柝起高城微鐘飄廣陌徘徊夏夜長懷人未眠客林
風有餘清庭月流虛白結思渺城南如何違促席

雜詩三首贈陸伯陽

中夜不能寐攬衣步前楹
員靈肅清穆涼風颯以興
秋蟲亦何悲流響於階庭
徘徊感節節變綿綿憂思生
四時擲人去忽如流電驚
立身庶及時儻勉苦無成
竊愁盛年邁將與秋草并
念之不得言俛然傷我情

又

翩翩孤鴻雁遥遥鳴且飛
寒陰翳洲渚日暮將安歸
棲棲客遊子獨往臨路歧
薇食聊自甘卒歲仍無衣
達士

守固窮遑恤寒與飢先民有遺言樂命復奚疑

又

南國有佳人皎皎懷芬芳被服紈與綺五色何煌煌容儀希世有音響流四方我懷往從之晨征越河梁嘉遇誠獨難歡愛兩相當願得常攜手終歲不相忘

歸程阻風

淒風起西北日夕滿川坻寒雲結重陰曜靈隱高暉驚濤浩縱橫零雨何霏霏行人念往路怫鬱多悲懷延頸

望故鄉誓將赴東歸臨津不能濟竚立以徘徊安得凌
風翰奮絕起高飛

同蔡騏尚往尤禮文度朱智仲禮楊翥仲舉蔡

胄用遊東山

得剪字

步出城都門逍遙望雲嶽累月懷佳遊茲晨遂登踐梵
宇繞層阿飛樓凌絕峴方塘涵湛碧喬林茂敷衍繁翳
幽莫通丰茸紛不剪攀磴窮高躋綠逕屢回轉是時微
雨散輕霞澹舒卷睇遙素橫川俯夷綠盈畝陟降體自

便顧盼心已緬況接曠士言復偶釋子辯析空理弗昧
違喧抱逾展何因此閒棲永令浮慮遣

雪中飲陸伴讀斗室

新齋坐閒敞瑞雪晃清妍寒消碧窗外光動玉琴前淹
流酌甘醴朗詠瑤華篇自然紛慮靜即此對羣仙

樵雲詩

悠悠南山雲素心澹相似偶託樵采迹遂隱山雲際雲
中有灌木四散枝葉繁薄剪去蒙翳詎令傷本根昨朝

買斧來斲入廬陵縣五馬出輝煌低頭愧相見芙蓉盪
掩靄環洲亦氤氲一返伐木處丁丁誰得聞

送康孔高紀善還鄉

澤暄冰始泮林霽雪猶積肅肅征輶馳翩翩城南陌以
我同旅人看君獨歸客青春別鄉縣白首滯京國念此
增懷思何由盡離席

齋宿聽周編修彈琴

羣處諒有適單居恒鮮歡樂只衆君子齋沐此盤桓華

缸照綺席香氣藹楚蘭爰理嶧陽桐為我三四彈遲遲
寫商意宛宛含幽歡怡我中和抱滌我沉鬱端所懷在
古操焉知清夜闌

題陳叔起畫

青山帶長林虛亭疊蕭爽溪流玉虹天光涵滉漾頗
潔淹澹遊寥芳愜幽賞邈爾高世懷脫畧浮雲上惟有
同心人扁舟日來往

題劉伯埶所藏雲山圖

一片青山是何處，複嶺層巒清可數。春來縹緲生白雲，
雲際連延見芳樹。雨聲半夜漲溪流，隱者虛亭近水幽。
尋常書帙有真樂，況復同志來扁舟。展圖彷彿沙溪路，
四十年餘記曾去。搗鼻峯高捲翠嵐，雞潭波靜澄寒霧。
百川先生富天趣，一笑相逢豁襟度。攜酒持魚踏白沙，
共我酣吟不知暮。先生乘雲竟不歸，令弟郎曹榮錦衣。
每同感慨論疇昔，還憶舊遊心不違。我愧非才侍丹闕，
壯歲叨榮已華髮。投簪他日或蒙恩，更訪沙溪棹明月。

題朱給事所藏馬牛二圖

矯矯皆雄姿來從渥洼溪金羈未絡頭散誕春風裏試
令剪拂效驅馳君看一日輕千里

宛宛柳絲柔綿綿芳草綠三月耕犁閒春田雨新足紛
紛陌上驟青驄獨占溪南坐黃犢

君馬黃

君馬黃我馬白並出青樓東俱驟綠楊陌陌頭春日遊
人多復恐紅塵暗玉珂長安大道淨如洗回轡聯翩若

流水一雙意氣逼青春共指天門五雲裏男兒高步會
成名何須一日千里行

任丘道中

霜柳未全稀風沙不住飛居人過驛盡獵火隔河微客
路衝寒景天恩戀禁闌金臺行漸遠回首思依依

晚次景州遇李頎給事呂文質進士

下馬郭西村蕭條盡掩門荒城明落景獨樹出平原野
水條侯墓寒蕪董氏園閒因訪遺事邂逅故人論

重過濟寧

間井皆臨牖郊原四望平
橫峯連岱嶽分水向彭城
笳鼓屯千騎舟車會兩京
沿洄未能住俱是重王程

早入薊州

極目平蕪際清山畫不如
彩雲迎霽旭翠柳帶澄渠
地重城逾壯年豐廩有餘
未應兩岐詠獨係漢人書

岔道觀獵

已度重關險初臨廣野平
嵐蕪遠水白山擁半空
青巘

蹕同三事蒐原合五兵農閒陪閱武亦得暢予情

送襄陽王時中知縣

銅章仍出宰金闕已知名歸治中牟縣重經故郢城輕
霞江樹曉疎雨漢皋晴還憶滄浪曲清冷好濯纓

和陸伯陽池上梅花

圓裏池邊樹樹花連松傍竹似山家香浮書幌風初動
影上琴牀月半斜延客別穿幽徑入接隣更築短牆遮
憑教橫笛休驚落愛此來看日正賒

泊金口次友人韻

屬玉飛鳴沙嶼傍
梅花如雪照晴岡
數家茅店臨金口
百里山城望漢陽
浣女映紗寒水碧
棹郎吹笛暮雲長
鄉關迢遞鄉書杳
愁立西風視雁翔

送黃叔昭歸文江

賜歸初買上江船
歸路何因復愴然
渡海幾人還故里
到家三月及春田
碧梧丘壠回生色
綠水園林捲宿烟
莫歎物情非夙昔
青山還映舊門前

送向武全吏目

一命微官萬里程
清時行送魯諸生
天連粵徼孤城險
家渡湘江數口輕
楊柳飛花霑去棹
枕榔雜樹隱離情
才高莫歎淹遐僻
政滿還來謁聖明

九日過宿遷縣

掛席迢迢晚未休
行程邈迤望邳州
數家農舍通籬落
幾處漁船聚泖流
回首鄉園天渺渺
驚心時序水悠悠
紫萸黃菊非無意
沙鳥汀雲漫自愁

送蕭雅容郎中歸南京吏部

都門新酒鬱金香
窈窕箏彈陌上桑
烟柳千絲牽別恨
春花萬點映行裝
碧山近帶金陵郭
白雪清含粉署郎
官府日長無一事
寄詩頻到五雲坊

李縣丞之官臨臬

少年閭巷共嬉遊
邂逅京華總白頭
奉使曾持巴郡檄
之官仍買潞河舟
嶺南翠霧含津樹
海上紅霞映縣樓
懷抱公餘清似水
題詩還憶寄中州

送龍公常之建寧驛丞

咸淳進士衡州佐異代風流見遠孫
謁選三年依北闕承恩二月發南轅
官程僻遠稀迎客廨宇清幽不閉門
碧水丹山足閒暇頻收書冊玩微言

送孫從吉主事

河上蒹葭初著霜臨河撾鼓發官航
面承天語朝辭闕身著宮袍晝近鄉
錦樹拂雲明使旆碧山如畫對仙郎
由來襟袍清於玉寫得梅花好寄將

送蕭生下第南歸

少年懷寶謁京畿
又向明時下第歸
薊北鶯啼春後滿
淮南樹色雨中微
手披經史常忘食
家傍園林靜掩扉
終待秋風搏六翮
九霄雲淨看高飛

上清袁止安寄詩余以寫竹奉酬并步來韻

京華一別歲頻更
長憶同年老弟兄
軒冕無心慙同俗
山林有道竟違榮
石田過雨瓊芝潤
金錄開函玉女清
貌得崑丘青鳳羽
因風遙答故交情

古意答伯陽

河洲雙駕鳥流蕩還相逐皎皎白楊花風吹不相續

山齋

春至還往稀日照山窗靜時有石泉鳴泠泠入孤聽

清陰谷

陽和二三月綠柳垂滿地春風吹暫開望見南山際

三十六灣

湘陰縣南江水斜春來兩岸無人家深林日午鳥啼歇

開遍滿山紅白花

江上早行

漢陽樓上鼓初稀
烟柳曠曠一鵲飛
乘月不知行處遠
滿江風露濕人衣

寄思貽兄四首

思貽先生守道園
池邊竹下敞幽軒
焚香坐隱烏皮几
隔水蒼山正對門

溪上流虹映壁經
溪頭春樹拂簷青
小車閒日何人到

會有光華動德星

未報君恩未乞身每看南雁重傷神
清溪亦是朝宗水
遙想臨流憶遠人

螺湖盤古白雲堆憶著常因夢裏回
得似藍輿引諸弟
年年霜露及時來

九日懷黃學士

去時相約看黃花
花滿園林未到家
惆悵別來無一字
西風極目雁行斜

紅心驛

馬頭近見紅心驛
茅屋參差半酒家
瀟洒赤欄橋外柳
西風吹折數枝斜

題畫

竹樹紛紛翠欲迷
山雲半斂水禽啼
何人自有清幽趣
不放扁舟過剡溪

薊州道中見菊花有懷諸君子

秋光漸近重陽節
緩轡垂鞭踏軟莎
却憶玉堂閒白晝

誰家庭館看黃花

想見聯鑪西出城酒壺詩卷共高情看山騎馬漁陽郭
也似平坡寺裏行

過山居老人有感二首

細柳鮮桃漱灩春白雲流水淨無塵看渠鶴髮林居者
只傍青山老此身

著處溪山可置身古人求志不求聞從前未有匡時術
只合攜家傍白雲

題菊送別

送行漸及黃花節
江北江南白露寒
為有清香宜晚歲
獨憐彭澤未休官

石倉歷代詩選卷三百二十